

# Oqaasileriffik/ Sprogsekretariatet

**Nunat Aqqinik Aalajangiisartut  
sisamangorneq oktobarip 12-anni 2017-imi  
Ilimmarfimmi ataatsimiinnerat**

**Peqataasut.:** Kirstine Kreutzmann, Marianne Petersen, Niels Henrik Lyngé.


Oqarasuaatikkut malinnaasoq: Jens Danielsen.

**Peqataanngitsoq:** Karl Elias Olsen

Allatsi: Lisathe Møller Kruse

Oqaluuserisat makkuupput:

1. Ullormut oqaluuserisassat akuerineqarnerat
2. Kingullermik ataatsimiinnermit imaqarniliap akuerineqarnera
3. Siulittaasumit allattoqarfimmillu ilisimatitsissutit
4. Aalajangiiffigisassat oqaluuserinerat
  - a. Aningaasanut missingersuutit (budget) 2018-moortoq
  - b. Jan Løvep tunumi Schweizerlandimiittut nunat aqqi pillugit saaffiginnissutai
5. Suliat allat pillugit ilisimatitsissutit



## 1. pillugu –

Oqaluuserisassat Nunat Aqqinik Aalajangiisartunit akuerineqarput.

## 2. pillugu –

Aggustip 17-anni 2017-imi ataatsimiinnermit imaqarniliaq akuerineqarpoq.

## 3. pillugu –


Allattoqarfimmeersumit Nunat Aqqinik Aalajangiisartut allattaannit LMK-mit GIS (Geographic Information System) pillugu ilisimatitsivoq. ArcGIS pogram Mapinfo programilu naatumik suliamut tunngatillugit qanoq atorneqarneri pillugit oqaluttuarpoq.

Radiukkut aallakaatitassaq Aasap Nunaa Kangersunermi Nuup Kangerluata ilaani nunap aterpassuunik eqqartuinnermik imaqartoq KNR-imut pissarsiariniarlugu paasiniaasoqassaaq. Alla aamma KNR radiukkut aallakaatitassiaq Nunat Aqqisa Oqaluttuassartaannik ateqartoq pissarsiariniarneqassaaq.

## 4. pillugu –

Oqaasileriffimmi aningaasanut missingersuut 2018-moortoq pillugu Oqaasileriffiup ningia Katti Frederiksen paasissutissiivoq. Nunat Aqqinik Aalajangiisartunit attuumassuteqartut Oqaasileriffiullu ukiumut aningaasanut missingersuutai annermik paasissutissiissutigivai. Nunat Aqqinik Aalajangiisartunit aningaasat atorneqartussat eqqaavai, tassaasut Nunat Aqqinik Aalajangiisartut ukiumut katillugit ataatsimiinnermusiassaasat, taakku saniatigut ArcGIS programimut ukiumut aningaasartuutissaq paasissutissiissutigalugu.

Qallunaap Jan Løvemik atillip nunat aqqinik soqutigisaralugu misissuisartup tunumi Schweizerlandimiittut nunat aqqi saaffiginnissutai 27-t Swcheizerlandimiittut Nunat Aqqinik Aalajangiisartut eqqartorpaat. 2012-imi De Quervainip ilagisaasalu sersmersuarmik ituiineranni atersimasaat suli Nunat Aqqinik Aalajangiisartunit akuerineqarlutik atuuttussanngortinneqarsimanngitsut Jan Løvemik saaffiginnissutaapput. Nunat Aqqinik Aalajangiisartulli aalajangiiviginnerini paaseqqaarusuppaat sumiiffiit kalaallisut ateqarnerisut paasiniaqqaarneqassasut. Siunnersuutigivaat Noa Maratse Tasiilami najugalik tamatumunnga paasiniaaffigineqassasoq. Tulliani ataatsimiinnissami isummerfigisassanngortinneqarput.



## 5. pillugu –

Nunat Aqqinik Aalajangiisartut tulliani ataatsimiinnissartik ullormi novembarip aappaanni 2017-imi marlunuussasoq aalajangerpaat.

---

Kirstine Olsen  
Siulittaasoq

Karl Elias Olsen  
Siulittaasup tullia

Mariane Petersen  
NAA-mi ilaasortaq

Jens Danielsen  
NAA-mi ilaasortaq

Niels Henrik Lyngø  
NAA-mi ilaasortaq